



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

x La vie des sept Freres martyrs, enfans de sainte Felicité.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

vaines promesses & persuasions du Iuge, Dieu luy fit comprendre que ce n'estoit pas vne chose humaine, ains la vertu du Ciel, & de la Religion Chrestienne, qui fortifioit ainsi la foiblesse feminine. Alors toute embrasée de l'amour de Iesus-Christ, elle s'escria publiquement qu'elle estoit Chrestienne, dont le President fut surpris, qu'il la fit battre & deschirer avec des ongles de fer, & puis tracher la teste. Il n'est pas croyable combien ce saint enfant fut ioyeux du martyre de sa sainte Mere: mais le President pour reprimer sa ioye, luy fit donner plusieurs coups en la face, avec des pommeaux de fer, & ouvrir son corps, le rayonnant avec des pointes d'acier, & l'accablant d'autres horribles tourmens.

Mais voyant que tout cela ne seruoit de rien, & que le S. Martyr resistoit d'un courage invincible: il en tomba malade de rage & de despit, & en punition de son peché perdit l'une & l'autre vie. Flauien succeda en la charge de President à Iuste, non moins fier & cruel que son predecesseur: Celuy-cy pensa par sa Rhetorique (car il presumoit d'estre bien eloquent) persuader le Saint d'obeyr à l'Empereur: mais voyant qu'il perdoit temps, transporté de furie, il commanda à son seruiteur Archilas de passer son espée au trauers du corps du Martyr: le Saint attendoit couragement le coup; mais Archilas voulant porter son estocade perdit les forces, & tomba sur son espée par terre. Flauien ne sachant plus que faire, renuoya Procope en prison, & à six iours de là il le fit fouetter avec des nerfs, brusler avec des pestes ardantes, & jeter du sel dans ses playes. Le saint Martyr enduroit tout cela constamment: alors le Iuge outré de douleur, commanda qu'on luy estendit la main droite sur vn autel des Dieux, & qu'on luy versast dessus des gouttes de lard flambé avec vn peu d'encens, afin que si la douleur du feu luy faisoit branler la main, l'on dist qu'il auoit sacrifié, & offert de l'encens aux Dieux; mais ayant demeuré long temps, en sorte que le feu luy conformoit peu à peu la main, sans qu'il la remuast: au contraire, il dit ce verset du Psalmiste: *Seigneur, Seigneur, vous m'avez tenu la main,* le remerciant de ceste faueur. Les combats de Procope ne finirent pas si tost: on le pendit par les bras, & on attachà à ses pieds de grosses pierres pour le demembrer: on le ietta dans vn four chaud, par la vertu du signe de la Croix qu'il fit, le feu ne luy toucha point, ains se lança sur les Ministres qui l'allumoient. En fin ce Iuge impie donna sentence de mort contre le Saint. Quand on fust prest d'executer la sentence, Procope se mit en oraison au lieu du supplice, priant nostre Seigneur à chaudes larmes pour le salut de tous les affligés, pour les veufues, orphelins, malades, prisonniers, & affligés; spécialement pour tous ceux qui se recommanderoient à luy apres la mort, & demandoient à Dieu quelque faueur par son intercession. Vne voix du Ciel l'asseurà que nostre Seigneur auoit exaucé son oraison: alors il tendit le col, & eut la teste tran-

chée le huitiesme de Iuillet, auquel iour tous les Martyrologes Latins, & le Menologe des Grecs parlent de luy, & celebrent son martyre que Metaphraste a escrit, ainsi qu'il est rapporté dans le 4. Tome de Surius, & au 2. Synode de Nice. On cite les actes de saint Procope, & on allegue vn exemple de la veneration des saintes Images. Eusebe en son Histoire liure 8. ch. 12. & Nicephore liure 9. chap. 15. & le Cardinal Baronius en ses Annotations font mention de luy.

*En l'Asie Mineure trespasserent S. Aquilas & Priscille sa femme, desquels S. Luc fait mention es Actes des Apostres. A Cesarée ville de Palestine, se faisoit iadis la feste de saint Procope martyr, lequel ayant esté durant la persecution de Dioclerian, mené de Scythopoli en ladite ville de Cesarée, & ayant commencé à respondre constamment, fut incontinent apres la premiere response, condamné par le Iuge Fabian, & eut la teste tranchée. Sur le port de Rome, durant la persecution d'Aurelian, furent massacrez cinquante soldats, qui auoient esté conuertis durant le martyre de sainte Bonese, & puis baptisez par le Pape Felix. A Constantinople endurerent le martyre plusieurs saints Religieux Abrahamites, qui auoient resisté à l'Empereur Theophile, & combatiu virilement pour l'honneur deus saintes images. A Vintzbourg en Allemagne se fait la feste de S. Chilian Euesque, lequel ayant esté enuoyé en ces quartiers-là par Conon Pape pour y prescher l'Euangile, & ayant conuertit plusieurs personnes, fut massacré avec ses deux compagnons Coloman Prestre, & Iorman Diacre. A Treues trespassa saint Auspice Euesque & Confesseur. A Milan S. Ample Euesque & Confesseur.*

*A Rome pres du quartier qui on nommoit la Gourte, qui coule tousiours, furent mis à mort saint Zenon, & autres dix mille deux cens & trois martyrs. Item à Rome les saints martyrs Dignissime, Gordian, & leurs compagnons, pour suivis par la fureur & barbarie des schismatiques, parce qu'ils suiuoient saint Symmaque Pape, par plusieurs approuués, furent massacrez avec plusieurs saintes Vierges consacrées à Dieu. A Grintine ville de l'Isle de Cantie, S. Cyrille Euesque ayant esté pris durant la persecution de Dece, sous le President Lucie, & ietté au feu, en sortit sain & sauue, le feu ayant seulement bruslé les cordes de lesquelles il auoit esté lié; Miracle qui estoit tellement le Iuge, qu'il luy donna liberré. Mais depuis pour auoir continuellement presché le saint Euangile, il fut repris par autorité du mesme Iuge, & decapité. A Thore ville sise sur le lac de Terin en Ombrie, decederent sainte Anacolie vierge, & S. Audax sous l'Empereur Dece. Sainte Anacolie ayant enduré une infinité de tourmens, fut deliurée de la rage d'un serpent qu'on auoit lâché sur elle, quoy voyant ledit Audax, fut conuertit à la Foy, & puis comme elle se fut mise à prier Dieu les bras tendus, le bourreau luy passa l'espée à trauers le corps: par apres Audax ayant esté mis en prison, fut condamné d'auoir la teste tranchée. En Alexandrie se faisoit iadis la feste des saints Patermache, Croper, & Alexandre, qui furent massacrez du temps de Iulien l'Apostat. A Pampelone S. Briete Euesque ayant souffert plusieurs tourmens sous le Iuge Marcian, & conuertit plusieurs infidelles à la Foy, mourut Confesseur.*

LA VIE DES SEPT FRERES MARTYRS, enfans de sainte Felicité.

**D**V temps de l'Empereur Marc Aurelle, il y auoit à Rome vne sainte matrone, nommée Felicité, de grande maison, mais beaucoup plus illustre en pieté, laquelle auoit sept garçons tous Chrestiens, & nourris du lait de la foy Catholique, avec de saintes & bonnes meurs. Ceste

8. IUIL-LET.

9. IUIL-LET.

10. IUIL-LET.

veufue auoit fait vœu de chasteté, s'exerçoit en prieres, ieufnes, & œuures de pieté, esmouuant par sa vie plusieurs Gentils à se faire Chrestiens, & les Chrestiens à viure conformément à la Religion, de laquelle ils faisoient profession. A ceste cause les Prestres des Idoles conceurent vne grande haine contre sainte Felicité & ses enfans, & firent tant enuers l'Empereur, qu'il commanda qu'on les prinist, & contraignist d'adorer les Dieux, feignans qu'ils estoient fort courroucez, & n'y auoit moyen de les appaiser que par sacrifice. Sainte Felicité fut apprehendée avec ses sept enfans, & la cause renouuée deuant Publie Prefet de la ville, lequel tira la mere à part, & la pria le plus honnestement qu'il peut de sacrifier aux Idoles, & qu'elle ne le contraignist point d'vsfer des voyes de rigueur contre elle & ses enfans. Felicité respondit: Ne pensez-pas, ô Publie, me flechir par vos belles paroles, ny m'estonner par vos menaces: car j'ay pour moy l'esprit de mon Seigneur & Redempteur Iesus-Christ, qui ne permettra pas que ie fois vaincuë du diable: au contraire, ie suis bien asseurée de vous surmonter viue ou morte, vous qui estes mon ministre. Publie luy repliqua: O infortunée que tu es, est-il possible que tu ayes la vie tant en horreur? & que quand bien tu ne craindrois point la mort, que tu ne procures la vie à tes enfans, & qu'ils ne meurent point entre mes mains? Mes enfans, dit Felicité, sacrifiant aux Dieux, mouroient de la mort eternelle: là où reconnoissans & adorans nostre Seigneur Iesus-Christ, ils viuroient à iamais. Le lendemain le Iuge estant en la place du Temple de Mars, fit venir en iugement Felicité & ses enfans, & luy dit: Felicité, prends compassion de tes enfans, qui sont maintenant en la fleur de leur ieunesse, & sont pour paruenir vn iour, & estre grands personnages. Felicité luy respondit: Vostre pieté est impiété, vostre conseil est cruel & trompeur. Puis se tournant vers ses enfans, leur dit: Regardez, mes enfans au Ciel, où nostre Seigneur Iesus-Christ vous attend avec tous ses Saincts, combattez vaillamment pour le bien de vos ames, & vous monstrez fidelles & constans en l'amour de nostre Seigneur Iesus-Christ. Le Iuge oyant cela s'irrita, & la fit souffleter, presumant que ce fust vne trop grande outrecuidance de donner deuant luy de tels conseils à ses enfans. Il fit comparoïr en sa presence l'aîné, nommé Ianuier, enuers lequel il vsa de toutes sortes d'artifices, de douceur, de rigueurs, de menaces, de promesses, pour l'induire d'adorer les Dieux: mais le ieune Sainct luy trancha court d'vne braue resolution: Vous me conseillez, dit-il, de faire vne folie, où n'y a point de raison: mais j'espere en nostre Seigneur & Redempteur Iesus-Christ, qu'il me preseruera d'vne telle ineptie. Le Iuge le fit despoüiller & fouetter estrangement, & puis reconduire en la prison. Il les fit venir tous l'un apres l'autre, taschant de les seduire, & leur faire adorer les Dieux, suivant le commandement de l'Empereur: & ayant desployé en vain toutes ses ruses, & receu de tous

les saincts freres (Iesus-Christ parlant par leur bouche) vne mesme response en diuers termes: apres les auoit fait fouetter cruellement, & mener en prison, il aduertit l'Empereur de ce qui se passoit, lequel commanda qu'il les fit mourir de diuers genres de supplices. En execution de cét arrest impie, Ianuier l'aîné, apres auoir esté fouetteré avec des cordes plombées, rendit l'esprit à Dieu: Felix & Philippes furent brulez & moulus de coups de baston, Syluan fut precipité, Alexandre, Vital & Marcial furent decapitez. Leur mere sainte Felicité fut aussi martyrisée à 4. mois de là. L'Eglise celebre son martyre le 23. Nouembre. Sainct Gregoire en vne Homelie dit ces paroles d'elle: *La bien-heureuse sainte Felicité, de laquelle nous celebrons aujourdhuy la feste, croyant, fut seruante de nostre Seigneur Iesus-Christ, le preschant fut sa mere: parce qu'elle qui auoit sept enfans, eut plus de peur de les laisser viure au monde, que les peres charnels n'ont crainte de les perdre. Sestant trouuée durant la persecution, elle encouragea ses enfans d'aimer leur celeste Pere, & enfanta en esprit ceux qu'elle auoit desira engendrez en la chair, donnant à Dieu par son exhortation ceux qu'elle auoit charnellement produits au monde. Te ne suis point d'aduis que vous appelliois ceste femme Martyre, mais plus que Martyre, puis qu'ayant enuoyé deuant soy sept enfans, & estant paruenue au Ciel avec eux, elle vint la derniere recevoir la couronne du martyre qui luy estoit deuë pour elle & pour eux. La sainte mere les voyoit tourméter & mal sacrer, demeurant immobile & constante, sans la douleur naturelle cōme mere, & iouyssant de l'esperance, elle craignoit de les laisser en vie: d'est pourquoy elle estoit aise de leur mort. Elle desira de ne laisser aucun de ses enfans en terre, de peur qu'ils ne perdissent le Ciel. Sainte Felicité aima ses enfans selon la chair: mais pour l'amour de la vie eternelle elle desira que ceux qu'elle ayroit mourussent. L'Eglise solemnise la feste de ces saincts freres le iour de leur martyre, qui fut le dixiesme de Iuillet, l'an de nostre Seigneur 165. sous l'Empire dudit Marc Aurelle.*

DES SAINCTES VIERGES ET  
Martyres, Rufine & Seconde, sœurs.



Les saintes Vierges & Martyres Rufine & Seconde, sœurs, estoient Romaines, de sang illustre: leur pere s'appelloit Astere, leur mere Aurelie. Elles furent fiancées avec deux Cheualiers de remarque, l'un se nommoit Armetaire, & l'autre Verin, lesquels craignans la persecution de Valerien & Galien abandonnerent la foy de nostre Sauueur & Redempteur Iesus-Christ, & tascherent de persuader à leurs fiancées, Rufine & Seconde de faire le semblable: neantmoins, elles qui n'estoient que des filles d'vne foible condition de nature, eurent plus de courage & de vertu que les hommes, se monstans plus fortes & constans en la foy: de peur de la perdre, elle se resolutent de sortir de Rome, & se retirer en vne maison escartée qu'elles auoient en Toscanie. Elles partirent de Rome, dont leurs fiancées aduertit